

წარმომადგენლობითი საბჭოს სხდომის

ოქმი № 6

ქ. თბილისი

9 მარტი, 2007 წელი

დღის წესრიგი:

1. უნივერსიტეტის ბიუჯეტის პროექტის დამტკიცება.

მომხსენებელი უნივერსიტეტის ადმინისტრაციის ხელმძღვანელი,
ქალბატონი გულნაზი გალდავა

სხდომას ესწრებოდნენ:

სხდომას ესწრებოდა საბჭოს 28 წევრი.

1. ბიუჯეტთან დაკავშირებით კომენტარი გააკეთეს საბჭოს წევრებმა.

ქ-ნ. დამანა მელიქიშვილი: "აკადემიური პერსონალის ძირითადი შტატი იყო გაცილებით მეტი, ამჟამად მოწვეულია 1132. ვთვლი, რომ საშტატო თანამშრომლები საკმარისი არ არიან, მიუხედავად იმისა, რომ საგნები შემცირდა. მეცნიერების განვითარების ფონდში შედის თუ არ სწავლება და ლაბორატორიის დაფინანსება?"

გიორგი შამათავა: " რიგგარეშე სხდომაზე წარმოდგენილი იქნება თვითმმართველობის საქმიანობა და სად მიდის ეს თანხები. ჩვენ წარმოგიდგენთ ყველა პროექტს და ღონისძიებების ნუსხას".

ელგუჯა მექვაბიშვილი: "აჯობებს თუ რეგლამენტირებული იქნება კითხვები და მასთან დაკავშირებული პასუხები".

ცირა ბარამიძე: "იქნებ სხვა ან სტუდენტთა თანხებიდან იქნას გადანაწილებული ექსპედიციებისათვის თანხები. დღევანდელი ინფლაციის პირობებში გათვალისწინებულია თუ არა ხელფასების ზრდა".

რომან შაქრაშვილი: " რამდენად ვითვალისწინებთ 2007 წლის ბიუჯეტში წინა წლის ბიუჯეტის ცდომილებებს? მიზანშეწონილი იქნება წინა წლის ბიუჯეტის შესრულების განხილვა.

შოთა სამსონია: " სად მუშავდება ჯანმრთელობის დაზღვევის საკითხი?"

ელგუჯა მექვაბიშვილი: "ფაკულტეტების მიხედვით როგორია მოსალოდნელი შემოსავალი და თვით ფაკულტეტების მიხედვით თუ არის გაკეთებული კაპიტალური ხარჯები და რით არის განპირობებული რომ ადმინისტრაციის სამიველინებო ხარჯები 10000 ლარს აღემატება? შესაქმნელია ფაკულტეტის ბიბლიოთეკა და მიზანშეწონილია ამაზე მეტი თანხის გამოყოფა".

გულნაზი გალდავა: " მოწვეული აკადემიური პერსონალის უკან დგას აკადემიური საბჭო, წარმომადგენლობითმა საბჭო და ა.შ. არასწორად გატარებულმა მენეჯმენტმა შექმნა ეს პრობლემები და ამ საკითხს კიდევ დაუბრუნდებით აგვისტოს თვეში და თეთმეტოვიანი კონტრაქტი ალბათ საერთოდ ამოღებული იქნება. ექსპედიციებთან დაკავშირებით, როგორც ვიცი, თვითონ ფაკულტეტები არ არიან ჩამოყალიბებული, თუ რა გათვლა უნდა მომხდარიყო ამ ექსპედიციის ხარჯებთან დაკავშირებით".

შოთა მინდელი: "თვითონ შრომის ხელშეკრულება განსაზღვრავს შრომის ანაზრაურებას და ინფლაციას რაც შეეხება, დღეს ქვეყანაში არ არის მკვეთრად გამოკვეთილი ინფლაცია".

შოთა მინდელი: " სექტემბრისათვის გარკვეული ჭარბი თანხები უნდა გვეკონდეს და ეს თანხა გადავა გარდამავალ ნაშთში".

გულნაზი გალდავა: "მაგნე ნივთიერებებთან დაკავშირებით შესაბამისი ნორმა არ არის. როდესაც ის გაუქმდა ბრძანებით, 33000 ლარი გაიცა, როგორც შემწეობა. ის რასაც იღებდა ზუსტი და საბუნებისმეტყველო ფაკულტეტი შემწეობა იყო ადმინისტრაციული ბრძანებით და ეს იურიდიულად გაუმართლებელია და 33000 ლარი ამ კატეგორიას რა უნდა მიეღოს".

შოთა მინდელი: "ჩვენ აუცილებლად გვექნება დამატებითი შემოსავალი და ეს ბიუჯეტი არ იქნება უცვლელი და მთელი წლის განმავლობაში მასში ცვლილებები იქნება".

შოთა მინდელი: "სტუდენტები გვთხოვდნენ დახმარებას, რომ მოგვეძიებინა სოციალურად დაუცველი სტუდენტები და იქნებ ეს საკითხი დაგვერეგულირებინა. ნიჭიერ სტუდენტთა ფონდში გათვალისწინებული თუ არა მაგისტრატურა?"

გულნაზი გალდავა: "კრიტერიუმები უნდა დაადგინოს ყველამ ერთად (აკადემიური საბჭო, ხარისხის უზრუნველყოფის სამსახური, ა.შ.) და ამ კრიტერიუმის თანახმად დაფინანსდება ყველა ნიჭიერი სტუდენტი".

შოთა მინდელი: "ფაკულტეტის ბიუჯეტი, რაც არის გაწერილი, ეს პირობითია და ფაკულტეტები კვლავ მიიღებენ დახმარებას, კაპიტალური იქნება თუ საოფისე. მივლინების განაწილებას რაც შეეხება, აქ ხდება სამივლინებო კომპეტენციის გადაბარება ფაკულტეტებზე, თვითონ ფაკულტეტმა უნდა გადაწყვიტოს ვინ სად გაუშვას. გვაქვს 6 ფაკულტეტი, მაგრამ რეალურად ეს ფაკულტეტები დაჯგუფებული იყო სამ კატეგორიად და ყველაზე დიდი ცდომილება სამივლინებო თანხებთან სავარაუდოდ 5000-ზე მეტი არ ყოფილა".

ცირა ბარამიძე: "პროპორცია, რაც აქ არის დაფიქსირებული, მცირეა და თუ არის ეჭვი, რომ სამომავლოდ ესეც არ იყოს მაშინ როგორ უნდა მოვიქცეთ?"

შოთა მინდელი: "ეს თანხა შემცირდება სამომავლოდ. ამჟამად მიმდინარეობს მოლაპარაკებები და შესაძლოა გარკვეული ცვლილებები შევიდეს ბიუჯეტში. 2010 წლისათვის განათლების სამინისტროს სუბსიდიულ დაფინანსებაზე უარს იტყვის და მხოლოდ დახმარებას გაგვიწევს".

რომან შაქარაშვილი: "ბიუჯეტი საკმაოდ მოკრზალებულია, მასზე მუშაობდა საკმაოდ კომპეტენტური ჯგუფი, ამ ეტაპზე ამაზე უკეთესი არ შეიძლება წარმოვიდგინო. თუმცა ვერცერთი ბიუჯეტი ვერ მოითმენს ასეთ პროპორციას. უნდა ვეცადოთ, უნივერსიტეტი განვიტარდეს და გაცილებით მეტი უნდა იყოს ხარჯები და ეს მიღწევადია. ოთხი-ხუთი წლის წინ ნებისმიერი სამინისტროს ბიუჯეტი ამაზე ნაკლები იყო და საკმაოდ იმედისმომცემი ბიუჯეტია".

გიორგი გოგსაძე: "ეს ბიუჯეტი მისაღებია, ადმინისტრაცია შემცირდა და ეს არის წინ გადადგმული ნაბიჯი, ფაკულტეტების ავტონომიზაციას მივესალმები და ფინანსური ავტონომია საშუალებას მოგვცემს უფრო რაციონალურად წარიმართოს საქმიანობა. თუ სამომავლოდ ადმინისტრაციის თანამშრომელსა და პროფესორს თანაბარი ხელფასი ექნება, მე ბიუჯეტს მხარს არ დაეუჭერ მომავალ წელს და იქნებ გაიზარდოს სოციალურ და პოლიტიკურ ფაკულტეტის ბიუჯეტი, კერძოდ პრაქტიკის თანხები".

შოთა მინდელი: "ეს ჩვენი სამომავლო გეგმებია და არცერთ ფაკულტეტზე არ ჩავაგდებთ პრაქტიკებს".

გულნაზი გალდავა: "ნამდვილად არ ვაპირებთ, რომ ადმინისტრაციის ხელფასი იყოს პროფესორის ხელფასის თანაბარი, მაგრამ ამ ეტაპზე ნამდვილად უნდა მოხდეს ანაზღაურების გაზრდა ადმინისტრაციული პერსონალისათვის და ასევე სოციალური და პოლიტიკური მეცნიერებების ფაკულტეტს აუცილებლად გამოვუყოფთ ადგილს დეკანატისა და ბიბლიოთეკისათვის".

გულნაზი გალდავა: "წიგნადი ფონდი არსებობს, მაგრამ ბიბლიოთეკა არ არსებობს. ეს რეგულირებადია და სამომავლოდ იგეგმება უნივერსიტეტის ეზოში ბიბლიოთეკის აშენება".

კახა ლორია: "ხელისუფლებას გათვალისწინებული აქვს, რომ პრიორიტეტული არის სახელმწიფო უნივერსიტეტი და ამჟამინდელი ბიუჯეტი იმსახურებს მხარდაჭერას".

ბიუჯეტს მხარი დაუჭირა 27 წევრმა. თავი შეიკავა 1 წევრმა.

მიღებული გადაწყვეტილება:

1. დამტკიცდა უნივერსიტეტის ბიუჯეტის პროექტი.

წარმომადგენლობითი საბჭოს
სპიკერი

სხდომის მდივანი

კახაბერ ლორია



მარიამ ჩეკურიშვილი

